

genere brevissimi. Femora nigra nitida hirta, lamina ad basin picea. Tibiae congenerum piceae spinosissimae piceae. Tarsi dilutiores hirti, Magnitudo C. apricarii.

Habitat rarissimus circa oppidum Georgiefsk.

Ab omnibus distinctus thorace lato elytrisque nitidissimis disco haud punctatis pertinet ad divisionem secundam familiae secundae generis Harpali Latreille.

9. *Cerambyx ambrosiacus*, thorace spinoso tuberculatoque, lateribus rubris, elytris cupreo-virescentibus.

*Descr.* Caput ovatum viridi aeneum splendens, oculis fuscis. Antennae corpore nunc parum breviores, nunc, praesertim in feminâ, multo longiores, setaceae. Thorax capite parum longior, sed duplo latior, sanguineus dorso margineque antico cyaneis; utrinque bispinosus, spina majore acuta in medio marginis externi, altera minore obtusiuscula a margine remota. Praeter has spinas, undique tubercula minora partem imprimis anteriorem thoracis exasperant. Scutellum triangulum viridi cyaneum. Elytra plana obtusa abdomine longiora, margine externo deflexo, in medio costis duabus longitudinalibus sensim evanescentibus; cuprea versus apicem sensim viridia fericeo nitentia. Alae

amplae fuliginosae. Pectus et abdomen viridi aenea. Pedes cyanei, femora anteriora subclavata, posteriora longa, parum incrassata. Tarsi articulis tribus cordatis, subtus villosi. Ungues bifidi.

Longitudo 1<sup>1</sup>/<sub>2</sub> - 3<sup>1</sup>/<sub>2</sub>". Elytri 10<sup>1</sup>/<sub>2</sub> - 1<sup>3</sup>/<sub>4</sub>". Thoracis 2<sup>1</sup>/<sub>2</sub> - 3<sup>1</sup>/<sub>4</sub>". Latitudo elytri 2<sup>1</sup>/<sub>4</sub>". thoracis 3 - 3<sup>1</sup>/<sub>2</sub>".

Habitat in falice, Kislariae Julio frequens, odorem moschatum haud ingratum spirans.

Species haec quam primum detexit Ill. L. B. Marshall a Bieberstein, differt a Cer. moschato cui proxima, statura majore, lateribus thoracis rubris bispinosis.

Variat rarius colore elytrorum cyaneo nec a cupreo viridi, et talis circa oppidum Georgiefsk occurit.

10. *Melolontha nigrifrons* pubescens testacea capite nigricante.

*Descr.* Caput pilosum vertice nigro nitente, clypeo rotundato ciliato fusco, margine elevato. Oculi nigri in medio setis longis ciliati. Antennae pallidae longitudine capitis, articulo primo maximo ciliato, clava trilamellata hirsuta. Palpi pallidi. Mandibulae nitentes nigrae. Labium testaceum hirsutum. Thorax transversus, longitudine duplo latior, lateribus rotun-